

Тошкент ш.

2022 йил «10» январ

Ўзбекистон Республикаси Молия вазирлиги томонидан берилган 30.12.2015 йилдаги СФ № 00211-сонли лицензия асосида фаолият юритувчи «ALSKOM» Суғурта Компанияси Акциядорлик жамияти, кейинги ўринларда Суғурталовчи деб номланувчи, Устав асосида ҳаракат қилувчи Бош директор Т.Ғ.Илёсов бир томондан ва «Ўзбектелеком» АК номидан 2021 йил 30 декабрдаги №27-01-14/6016-сон Ишончнома ва Низом асосида иш олиб борувчи «TELEKOMMUNIKATSIYA TRANSPORT TARMOG'I» филиали директори А.Т.Ғоибназаров иккинчи томондан Суғурта қилдирувчи деб номланувчи, (матн давомида «Томонлар» деб аталади), ушбу Бош шартномани туздилар.

1. БОШ ШАРТНОМА ПРЕДМЕТИ

1.1. Бош шартнома Ўзбекистон Республикаси Вазирлар Маҳкамасининг 2008 йил 24 июндаги 141-сонли Қарори билан тасдиқланган Транспорт воситалари эгаларининг фуқаролик жавобгарлигини мажбурий суғурта қилиш қоидаларига (матн давомида «Мажбурий суғурта қоидалари» деб аталади) мувофиқ ишлаб чиқилган.

1.2. Транспорт воситаларидан фойдаланишда транспорт воситалари эгаларининг жабрланувчилар ҳаёти, соғлиги ва (ёки) мол-мулкига етказилган зарарнинг ўрнини қоплаш бўйича фуқаролик жавобгарлиги қонун ҳужжатларига мувофиқ юзага келиши билан боғлиқ бўлган мулкий манфаатлари транспорт воситалари эгаларининг фуқаролик жавобгарлигини мажбурий суғурта қилиш (матн давомида «Мажбурий суғурта» деб аталади) объектидир.

1.3. Томонлар, мазкур Бош шартномада келишилмаган барча саволлар бўйича Мажбурий суғурта қоидаларига амал қилади.

2. СУГУРТА ҲОДИСАСИ

2.1. Транспорт воситасидан фойдаланишда жабрланувчининг ҳаёти, соғлиги ва (ёки) мол-мулкига зарар етказилганлиги учун Суғурта қилдирувчининг фуқаролик жавобгарлигининг юзага келиши бўлиб, бу Суғурталовчининг суғурта товонини суғурта пули доирасида тўлаш мажбуриятини келтириб чиқаради.

3. СУГУРТА ҲОДИСАСИДАН МУСТАСНО

3.1. Қуйидагилар оқибатида транспорт воситалари эгалари фуқаролик жавобгарлигининг юзага келиши суғурта ҳодисаси ҳисобланмайди:

- мажбурий суғурта бўйича суғурта полисида кўрсатилмаган транспорт воситасидан фойдаланишда зарар етказиш;
- маънавий етказилган зарар ва (ёки) бой берилган фойданинг ўрнини қоплаш бўйича мажбуриятнинг юзага келиши;
- транспорт воситасидан махсус ажратилган жойларда мусобақалар, синовлар ёки ўқув ҳайдови давомида фойдаланишда зарар етказилганлиги;
- атроф муҳитнинг ифлосланиши;
- ташилаётган юк таъсирида зарар етказилиши, агар бундай жавобгарлик мажбурий суғуртанинг тегишли тури тўғрисидаги қонун ҳужжатларига мувофиқ мажбурий суғурта қилиниши керак бўлса;
- ходимлар хизмат ёки меҳнат мажбуриятларини бажараётганида уларнинг ҳаёти ёки соғлиғига зарар етказилиши, агар бу зарарнинг мажбурий суғуртанинг тегишли тури тўғрисидаги қонун ҳужжатларига мувофиқ қопланиши лозим бўлса;
- ходимга зарар етказилганлиги туфайли келиб чиққан зарарнинг ўрнини иш берувчи томонидан қоплаш бўйича мажбурияти;
- ҳайдовчининг ўзи бошқараётган транспорт воситасига ва унинг тиркамасига, уларда ташилаётган юкка ва (ёки) уларга ўрнатилган асбоб-ускуналарга зарар етказилганлиги;
- юкни ортиш ёки туширишда, шунингдек транспорт воситаси мазкур транспорт воситасининг эгаси бўлган корхона, муассаса ёки ташкилот ҳудудида ҳаракатланганида зарар етказилганлиги;
- нодир ва бошқа ноёб буюмлар, меъморий ёдгорликлар, қимматбаҳо ва ярим қимматбаҳо тошлар ва металллардан ишланган буюмларга, диний қадриятга эга буюмлар, санъат асарлари, қўлёзмалар, ноёб аудиовизуал асарларга ҳамда интеллектуал фаолиятнинг бошқа махсулларига, қимматли қоғозлар, нақд пулларга, шу жумладан чет эл валютасига шикаст етказилганлиги ёки уларнинг йўқ қилинганлиги;
- жабрланувчиларнинг суғурта ҳодисаси юзага келишига қаратилган қасддан қилган ҳатти-ҳаракатлари натижасида етказилган зарар

3.2. Мазкур Бош шартноманинг 3.1 бандида кўрсатилган ҳолларда транспорт воситаси эгаларининг фуқаролик жавобгарлиги юзага келган тақдирда етказилган зарарнинг ўрни улар томонидан қонун ҳужжатларига мувофиқ қопланиши керак.

4. СУГУРТА ПУЛИ, СУГУРТА МУКОФОТИ

4.1. Мажбурий суғурта бўйича суғурта пули суғурта полиси бўйича ҳар бир транспорт воситаси учун **40 000 000,00** (қирк миллион) сўм миқдорда белгиланади, жумладан:

- жабрланувчининг мол-мулкига зарар етказилганда – суғурта пулининг 35 фоизигача;
- жабрланувчининг ҳаёти ёки соғлиғига зарар етказилганда – суғурта пулининг 65 фоизигача.

4.2. Ҳар бир транспорт воситаси бўйича суғурта мукофотини ҳисоблаш Мажбурий суғурта қоидаларида назарда тутилган тартибда амалга оширилади. Иловада келтирилган суғурта тарифларидан келиб чиққан ҳолда.

4.3. Мазкур Бош шартномага асосан суғурта мукофоти ҳисоб-фактура бўйича суғурта қилдирувчи тақдим этган автотранспортлар рўйхати асосида берилади.

4.4. Суғурта мукофоти нақдсиз ҳисоб-китоб йўли бўйича ҳисоб-фактура асосида бир йўла тўланади. Мазкур Бош шартнома бўйича Суғурталовчининг жавобгарлиги пул маблағлари Суғурталовчининг (унинг вакили) банк ҳисоб рақамига келиб тушган кундан бошланади.

4.5. Агар мажбурий суғурта полиси амалда бўлган даврда Суғурталовчи суғурта товони тўласа, у ҳолда Суғурта қилдирувчи Суғурталовчидан суғурта товони тўланганлиги тўғрисидаги хабарнома олинган кундан эътиборан икки ҳафта муддатда тўланган суғурта товони суммасига ва мажбурий суғурта полиси амал қилишининг қолган муддатига мутаносиб равишда қўшимча суғурта мукофотини тўлайди. Тўланадиган қўшимча суғурта мукофоти ҳисоб-китоби Мажбурий суғурта қоидаларида назарда тутилган тартибда амалга оширилади.

5. СУГУРТА ШАРТНОМАСИНИНГ АМАЛ ҚИЛИНИШИ

5.1. Мазкур Бош шартнома Томонлар имзолаган кундан кучга киради ва 2022 йил 31 декабр кунига қадар амал қилади.

5.2. Суғурта полиси ва махсус давлат белгиси мазкур Бош шартнома асосида берилган ҳисоб-фактурада кўрсатилган суғурта мукофоти тўланганидан сўнг тақдим этилади.

5.3. Ҳар бир автотранспортлар бўйича мажбурий суғурта шартномаси суғурталовчи томонидан суғурта қилдирувчига суғурта полисини ва махсус давлат белгисини тақдим этиш йўли билан бир йил муддатга тузилади.

6. ТОМОНЛАРИНИНГ ҲУКУҚИ ВА МАЖБУРИЯТЛАРИ

6.1. Суғурта қилдирувчининг мажбурияти:

6.1.1. ИТХ содир бўлганида давлат йўл ҳаракати хавфсизлиги хизмати ходимларининг етиб келишини кутиши ва жабрланувчига (унинг меросхўрларига ёки ҳуқуқий ворисларига) суғурта полисининг нусхасини топширишини ўз вакилларига (ҳайдовчиларига) билдириш.

6.1.2. Суғурта ҳодисаси содир бўлганида:

- дархол, йўл-транспорт ҳодисасидан кейин 72 соатдан кечиктирмай, содир бўлган ҳодиса ҳақида Мажбурий суғурта қоидаларининг 6-иловасига мувофиқ ёзма шаклда, суғурта полисининг нусхасини илова қилган ҳолда Суғурталовчига (унинг филиалига) билдириши керак;
- зарарнинг олдини олиш ва (ёки) камайтириш юзасидан мумкин бўлган барча чораларни кўриши керак.

6.2. Суғурта қилдирувчи қуйидаги ҳуқуққа эга:

6.2.1. Суғурта қилдирувчи жабрланувчига етказилган зарарнинг ўрнини Суғурталовчининг ёзма розилиги билан ўз ҳисобидан қопласа, Суғурта қилдирувчи етказилган зарарнинг ўрнини қоплаш тартибда ўзи амалга оширган тўловларни тасдиқловчи ҳужжатларни тақдим этганидан кейин

Сугурталовчидан тўланган сугурта тўловини олиш.

6.3. Сугурталовчининг мажбурияти:

6.3.1. Мазкур Бош шартномада назарда тутилган ҳолларда, Сугурталовчининг сугурта товонини тўлаш тўғрисидаги қарори қабул қилинган кундан эътиборан беш иш куни мобайнида Жабрланувчига (унинг меросхўри ёки ҳуқуқий ворисига) ёки Сугурта қилдирувчига (агар сугурта тўловини ўз ҳисобидан амалга оширган бўлса) тўлаши лозим.

6.3.2. Сугурта полиси ва махсус давлат белгиси йўқотиб қўйилган тақдирда Сугурта қилдирувчига унинг дубликатларини тақдим этиш. Дубликатлар Сугурта қилдирувчи мурожаат қилган ва у дубликатларни тайёрлаш бўйича харажатларни (тўланган сугурта мукофотининг 10 фоизидан ошмаган миқдоридан) тўлаган кундан бошлаб икки кун муддатда берилади.

6.4. Сугурталовчи қуйидаги ҳуқуққа эга:

6.4.1. Агар шикастланган мол-мулкни ёхуд унинг қолдиқларини кўздан кечириш ва мустақил экспертиза қилишга (баҳолашга) қадар ушбу модда талабларига мувофиқ амалга оширилган шу мол-мулкни таъмирлаш ёки унинг қолдиқларини утилизация қилиш сугурта ҳодисасининг мавжудлигини ва мазкур Бош шартнома бўйича ўрни қопланиши лозим бўлган зарарларнинг миқдорини тўғри аниқлаш имконини бермаса, Сугурталовчи жабрланувчига (унинг меросхўрига ёки ҳуқуқий ворисига) сугурта тўловини ёки унинг бир қисмини тўлашни рад этиш.

6.4.2. Сугурталовчининг сугурта товонини тўлашни рад этиш тўғрисидаги ёки уни тўлаш ҳақидаги қарори Сугурта қилдирувчига у сугурта товони тўлаш тўғрисида ёзма мурожаат этганидан кейин ўн беш кундан кечиктирмай хабар қилиниши керак.

7. СУГУРТА ТОВОННИ ТЎЛАШ ТАРТИБИ ВА ШАРТЛАРИ

7.1. Сугурта товони етказилган зарар миқдоридан, лекин сугурта пулидан ошмаган миқдорда Сугурталовчи томонидан бевосита жабрланувчига (унинг меросхўрига ёки ҳуқуқий ворисига) тўланади.

7.2. Агар сугурта ҳодисаси содир бўлганда сугурта товони тўловлари бир нечта жабрланувчига (уларнинг меросхўрларига ёки ҳуқуқий ворисларига) тўланиши керак бўлса ва уларнинг Сугурталовчига билдирилган талаблари суммаси сугурта товони миқдоридан ортиқ бўлса, сугурта товони ҳар бир жабрланувчининг барча жабрланувчилар (уларнинг меросхўрлари ёки ҳуқуқий ворислари) талабларининг умумий суммасидаги улушига мутаносиб равишда тўланади.

7.3. Агар Сугурта қилдирувчи жабрланувчига етказилган зарарнинг ўрнини Сугурталовчининг ёзма розилиги билан ўз ҳисобидан қўйса, Сугурта қилдирувчи етказилган зарарнинг ўрнини қоплаш тартибидан ўзи амалга оширган тўловларни тасдиқловчи ҳужжатларни тақдим этганидан кейин Сугурталовчи Сугурта қилдирувчига сугурта тўловини тўлайди.

Бундай ҳолда Сугурта қилдирувчи қуйидаги ҳужжатларни (асл нусхаларини ёки нусхаларини) тақдим этиши лозим:

- жабрланувчининг сугурта товонини тўлаш тўғрисидаги аризаси;
- сугурта полиси;
- зарар етказилганлиги фактини ва зарар миқдорини тасдиқловчи ҳужжатлар (йўл-транспорт ҳодисаси тўғрисидаги ҳулоса ёки қарор, тиббиёт муассасаларидан олинган маълумотнома ёхуд ҳаётга ёки соғлиққа зарар етказилганлигини тасдиқловчи бошқа ҳужжатлар, ўлим ҳақидаги далолатнома ёхуд гувоҳнома);
- мол-мулкка зарар етказилганлиги фактини ва зарар миқдорини тасдиқловчи ҳужжатлар (тижорат далолатномалари, юк хатлари, асосий воситалар дафтаридан кўчирмалар, тўлов ҳужжатлари, шартномалар, мол-мулкни мустақил баҳолаш далолатномалари ва бошқа шу кабилар);
- жабрланувчининг шахсини ёки унинг давлат рўйхатидан ўтганини тасдиқловчи ҳужжатлар;
- мерос ҳуқуқини ёки ҳуқуқий ворисликни олганликларини, шунингдек меросхўрларнинг шахсини ёки ҳуқуқий ворисларнинг давлат рўйхатидан ўтказилганлигини тасдиқловчи ҳужжатлар (агар сугурта товони жабрланувчиларнинг меросхўрларига ёки ҳуқуқий ворисларига тўланиши лозим бўлса);

7.4. Сугурта товони суд харажатларини, шунингдек жарималар ва бошқа шу каби тўловларни қопламайди.

8. РЕГРЕСС ТАЛАБИНИ ҚЎЙИШ ҲУҚУҚИ

8.1. Сугурталовчи зарар етказган шахсга ўзи тўлаган сугурта тўлови миқдоридан қуйидаги ҳолларда регресс тартибидан талаб қилиш ҳуқуқига эга:

- а) мазкур шахснинг қасди оқибатида жабрланувчининг ҳаёти, соғлиги ва (ёки) мол-мулкига зарар етказилган бўлса;
- б) зарар транспорт воситаси мазкур шахс томонидан мастлик ҳолатида ёки гиёҳвандлик воситалари, психотроп моддалар ёки шахснинг акцидидрокига таъсир кўрсатувчи бошқа моддалар таъсири остида бошқарилганда етказилган бўлса;
- в) мазкур шахс ўзи фойдаланаётганда зарар етказган, транспорт воситасини бошқариш ҳуқуқига эга бўлмаган бўлса;
- г) мазкур шахс йўл-транспорт ҳодисаси содир бўлган жойдан яширинган бўлса;
- д) мазкур шахс транспорт воситасини бошқаришга руҳсат этилган шахс сифатида Мажбурий сугурта полисига киритилмаган бўлса (транспорт воситасидан фақат Мажбурий сугурта полисида кўрсатилган ҳайдовчилар фойдаланиши шарт билан Мажбурий сугурта полиси тузилганда);
- е) сугурта ҳодисаси мазкур шахс транспорт воситасидан Мажбурий сугурта полисида назарда тутилмаган аниқ даврда фойдаланаётганда содир бўлган бўлса (транспорт воситасидан Мажбурий сугурта полисида назарда тутилган даврда фойдаланиш шарт билан Мажбурий сугурта полиси тузилганда).

8.2. Бунда Сугурталовчи мазкур шахсдан сугурта ҳодисасини кўриб чиқишда қилинган харажатларни қоплашни ҳам талаб қилишга ҳақлидир.

9. ТОМОНЛАР ЖАВОБГАРЛИГИ

9.1. Томонлар мазкур Бош шартнома бўйича ўз мажбуриятларини бажариши бўйича Ўзбекистон Республикасининг амалдаги Қонунчилигига асосан жавобгардирлар.

9.2. Ушбу Бош шартномада келиб чиқадиган низоли масалалар музокаралар йўли билан ҳал этилади. Музокаралар йўли билан ҳал этилмаган тақдирда эса низолар Ўзбекистон Республикасининг амалдаги Қонунчилиги асосида ҳал этилади.

10. ТОМОНЛАРНИНГ ЮРИДИК МАНЗИЛЛАРИ

СУГУРТАЛОВЧИ НОМИДАН

«ALSKOM» СК АЖ

Ўзбекистон Республикаси
Тошкент ш., Юнусобод, 109 уй
тел.: +78 147 11 00
х/с № 2020 8000 9001 5529 1062
АТ «Алокабанк»
МФО 00 401, СТИР 201 941 144.



Бош директор
Т.Г.Илёмов



М.Ҳ.

СУГУРТА ҚИЛДИРУВЧИ

«Ўзбектелеком» АК «TELEKOMMUNIKATSIYA
TRANSPORT TARMOG'I» филиали
Ўзбекистон Республикаси, 100000,
Тошкент ш., Олой кўчаси, 23 уй
тел.: +71 236 01 97
х/с № 20210000204074838049
АТ «Алокабанк» Амалиёт бошқармаси
МФО 00401, СТИР 203366731, ИФУТ 611100.



Директор
А.Т.Ғойбаазаров